

CONCESSION FAITE, VERS L'AN 743, PAR PÉPIN, MAIRE DU PALAIS, A DOMNOLUS,
ÉVÊQUE DE MACON, ET A L'ÉGLISE DE SAINT-VINCENT DE MACON.

(Extrait du Cartulaire de Saint-Vincent de Mâcon, charte 76, p. 53. — Voir SEVERT, *Episcopj Matisconenses*, p. 25. — *Gallia-Christiana*, IV, 263.)

Pipinus Majorum domus maximus concedit immunitatem Domnolo episcopo Maticensi et Ecclesie Sancti Vincentij.

In Dei nomine Pipinus Majorum domus maximus. Regni nostri augere credimus monumentum si beneficia opportuna locis ecclesiarum benevola deliberatione concedimus an Domino protegente stabiliter producere conscribimus. Igitur noverit solertia vestra quod, ad petitionem cleri, fidelis noster Domnolus sanctae sedis episcopatum tenens in civitate Maticensi in honore Sancti Vincentii nobis suggestit eo quod illa immunitas quae antea ad ipsam casam Dei facta fuit, anno superiori sit igne concremata ob negligentiam custodientis, nobis hoc petiit ut istam immunitatem, ex nostro nomine, ad ipsam casam Dei renovare vel adfirmare deberemus; quod nos gratanti animo, pro reverentia ipsius sancti loci, fecimus et tale insuper pro eterna retributione beneficium visi fuimus indulsisse, ut in villas ecclesiae illius quas moderno tempore, aut nostra aut cujuslibet munere habere videtur, vel quas deinceps in jure ipsius loci voluerit divina pietas ampliare, nullus iudex publicus ad causas audiendas aut freda, undique exigenda, nullo omnino tempore presumat accedere, et loco illi Domnolus vel successores ejus propter nomen Dei SUB INTEGRO IMMUNITATIS NOMINE VALEANT DOMINARI. Statuentes ergo ut neque vos, nec juniores, neque successores vestri, nec ulla publica iudiciaria potestas, quocumque tempore in villas ubicumque ipsius ecclesiae, aut regis, aut privatorum largitate conlatus, aut quae in antea fuerint, casus indominicatus ad audiendas altercationes ingredi, aut freda de qualibet augere, nec mensiones aut paradas, aut fidejussores tollere non presumatis, sed quicquid exinde in agris vel finis seu super terris predictae ecclesiae communentes, fiscus aut de freida aut undecumque potuerit sperare ex nostra indulgentia pro futura salute in luminaribus ipsius ecclesiae per manus agentium eorum proficiat in perpetuum, et quod nos propter nomen Domini et animae nostrae remedium simulque nostra subsequente progenie plena devotione indulsimus, nec regalis sublimitas, nec cujuslibet iudiciaria potestas refragare tentetis, sed ut praesens auctoritas tam presentibus quam futuris temporibus inviolata, Domino adiutore, permaneat, manus nostrae subscriptione infra roborare decrevimus. S. Pipini Majoris domus, ego Rodagus jussu scripsi. Actum kal. Januarii in anno secundo principatus ejusdem Pipini in civitate Metis in palatio regio.